

مدیری : ابن السری
احمد جودت

مؤسسی : ابن السری
مصطفی نامق

آشیان

ادبی ، علمی ، سیاسی ، اجتماعی ، فنی ، اخلاق هفته لقی مجموعه در .

پنجشنبه

ایکینچی جلد

نومرو ۲۳

برنجی سنه

۲۶ محرم ۱۳۲۷

۵ شباط ۱۳۲۴

مندرجات

ماضی و آتی سعید حکمت	عثمانی دمیریوللری محمد امین
شناسی مرحوم عبدالحق حامد	قادرین روحی جیل سلیمان
خیال مشخص قاتق عالی	عفو مشتاق
حاجی حیاتی کایسلی رفعت	


استانبول

محل ادارسی : جفال اوغلنده اداره مخصوصه

جفال اوغلنده اباصوقیه جاده سنده : « مطبعه خیریه و شرکاتی »

۱۳۲۴





- مابعد -

— کچه کر خیر اولسون .

سوزیله هر کسی طاغندیی وقت، بزکایساده قالمشوق . بن فکرمدن کچن شیلری تعین ایدهمیوردم . معبدك اوکنده تترك برضیا اشیر ایدن اوفوق لامبه، ظلمتلك مضیق هولناکی آردسندمه آلوانیور، سونیور ظن اولنان بوغولمش برقلای آندیوریدی . طیشاریده کیتدکجه تهوری آرتان روزکار، صانکه بوقلابی محبسندن قورتارمق ایچون جامی پارچه لامق ایستیورمش کبی عنیف وغضناک ضربه لرله پنجره یه چارپیوردی . بر زمان اولدی که روزکار مقر آلام اولان بو اوك دیوارلری ییقمق ایچون اورمانك بوتون فریاد شکایتی، کچه نك اولانجه دهشت وشدتی طوپلایور ظن ایتدم؛ ودرحال ذهنم بواحوال طبیعتك برزمانلر آیلرجه، سنه لرجه معروض مهاجاتی اولان اوزوالی قادینه، اوقلب شکسته ورنجیده یه کیتدی .

هو بردهنمدن کچی کشف ایتش اولمی که کایسادن چیتوب ده کتبخانه یه کیدن قوریدورلردن یکدی کمز صروده :

— او، بونلرک دهانه دهشتلیلری کوردی بیاسهك!.. کچه لر مزل بورفیق غیضی قارشیکی وادیدن قوبوب دماورمانلر مزی صارصمنه، ینه ایتکه کالیدیکی زمان حقیقه پك دهشتیدر . بودهشتك تأثیری ایله دایر مسون دیه قورقومدن قابوسنك اوکنده بر سن - برنار کوپکی یاتیردم . چوق دفعه لر قورقوسندن قالقوب کوپکی اویاندیردی اولوردی...

سالونه کیردیکمز زمان اوجانك آشی، بزم عودتمزه انتظار آ اویویورمش کبی طورمش، درجه حرارت خفیفاشمش ایدی . هو برله برلکده قوجه مان ایکی اودون پارچه سی آتهرق آشی جانلاندیردق . بن سرکدشتك مابعدینی

دیکه مکّه او قدر خواهش کردم که بحث دیکشمامک ایچون آغز می آچادم .
هو بر کنیدیالکندن سوزنه باشلایه رق دیدی که:

—دمین آکلادیتم وقته حیاتمزك سرگذشت الینده مهم بر تاریخ، آرتق
بر بر مزه یا قلاشمغه باشلادیتمز دوره تمایله بر مبدأ اولمشدی . واقعاً ساسله
اضطراباته خاتمه چکلاماشدی . فقط بر طاقم اضطرابلرده واردی که نولره
دوچار اولقدن آرتق قور تاشدق . صانکه معاصیمزك جزاسنی چکدکن صوکره
استغفای ذنوب ایچون کلدیکمز بر وقفه کاهده بر ضیای امیدك رؤیت تجلیسیله
مبشر اولغه باشلامشز کی اوتاریخدن صوکره کلن کونلرده غریب بر سکونت
حس ایدیوردق .

دها باشقه اسباب طولایسیله ده جناب حقه متشکرم . زوجه مک قابنده کی
تهور وعصیانك آرتق مغلوب اولدیغنی حس ایدیوردم . مع مافیه اعصاب ایدیچی
بر طاقم بالا پروازانه معاملهلر آتنده زوالینك عزت نفسنی از مکدن صوکره
درجه متحاشی ایدم چونکه ضعف وعجزم قارشیسنده کنیدی بندن دها آز
اوزاق حس ایدیوردی . اونکده بکا قارشنی عفو ایده جک پرشیئی واردی ،
بنم یا لکنز عزت نفسم یوزندن دکل ، قابمدن ، مادیتدن مضطرب اولدیغنی اوده
آکلامشدی . بیلیم غریب بر تبدل حسیات وقوع بولمشدی . نفرتنه لایق
اولدیم کوندن اعتباراً بکا قارشنی اظهار نفرت ایتکدن واز کچمشدی .

بکا کلنجه : بن اوکا قارشنی ابراز حرمت ایتکه باشلامشدم . سوزسویله یین
بر آدمک طرز تکلمنده بعضاً او یله حاللر واردرکه انسانی اصلا آلداتماز . مثلاً
کچلرده کنیدیسندن شبهه ایتدیکم زمان آغزمدن چیقان کله تحقیریه یه او یله
برانفعال مضطربانه ایلّه جواب ویرمشدی که اودقیقه ده یاغقاتدن ، یاخود عجزو
ضعفندن ، هر ناصلسه ، دوچار خطا اولان بوقلبک بر کریویه اصلا دوشمیدیکی
آکلامفده کوچلاک چکمدم . بو خطانک قابنه آچدیغنی یارده یی اوزون مدت
صاقلادیغنی کوردیم ، وکندی کندیقه تسلیت بخش محاکمته بولندقدن صوکره
ایلك دفعه اولمق اوزره آکلادم که بوقادین قلبی ایشله مش اولدیغنی خطانک
خاطره سنه مربوط دکدر . عجبا بو خاطره دن نفرت ایدیورمی ، عجبا بونی
تعمیر وتلافی ایچون صرف ایتدیکم مساعی یی قبول ایده جکمی ؟ قابلاً بو کامین

اولسهه بيله اميدم وار . وبوتون قوتمله بواوغورده كنديسنه معاونتدن كيري طورمدم . ايسته بومقصدك سوقيله ايدى كه اوزمانه قدر نفسمه پك كرانكلن بوفداركارلنى ده اختيار ايتك لازم كلديكى اكلادم واوغلماك تعليم وتربيه سنى ينه كنديسنه توديع ايتدم . اووقته قدر چوجنى والدسيه هيچ يالكز براقامش ، اجدادمدن توارث ايتديكم بومقدس يادكارى نالايق اللره توديع ايتكدن تحاشي ايتشدم . بوقرارى ويرمك ايچون تام بر آي دوشوندم . نهايت قرار ويروب ايشي زوجهه آچديم زمان قلمده كي حسيات نفرتي تماميله آكلاديغنى كوسترن برتأثر سياسي قابلادى . صدقه قابندن ويريلن بولطف مساعده ي رد ايتديكى دوداقلرينه كلن رعشه دن آكلامشدم . بوتكلي ي قبول ايدرسه هم بنى ممنون ايده جكنى ، همده چوجغه خدمت اوله جغنى سويلدم .

— پكى ايستديككز اولسون ، ياپارم . ديدى .

فقط بونى سويلر كن حالده شدتلى معامله ايتديكم زمانلردن زياده برذلت واردى . چوجنى هر كون بر نهايت ايكي ساعت ياننه آلهرق موسيقى ، رسم وايتالانجه اوكرنمى قراراشد يردق . فرداسى كوندن اعتباراً ايشه باشلادى . ويرديكم سوزده يالانجى چيقمامشدم ؛ ارنق اوكا قارشى ياپدقلم سوق مر حمله وصدقه قيبلندن دكل ، بالعكس كندى نظرنده قدر ومزيتى يوكسلكمك ايچون ياواش ياواش بوتون حقوقنى كنديسنه اعاده ايتك آرزوسنه مستند ايدى .

جناب حقه چوق شكر ، نه اعتمادده الداندم ، نهده اميدم بوشه چيقدى . زانى بويله كنديسنه ترك ايتمكه زوالى قادين ايچون نه قدر ابي برشى يامش اولديغى ياواش ياواش آكلادم . او قدر ممنون ايدم كه برقاج دفعه لر چوجغه قارشى آرنق اويله احتياطكارانه طورمامسنى وهر كون دها زياده كسب لياقت ايتديكى والدلاك وظيفه سنى آرنق تماميله ايذا ايتسى ايچون كنديسنى تشويق وتشجيع بيله ايتدم .

اوسنه بويله كچدى . حياتمرك بويكى طرزى آرنق منتظم برحاله كيرمش ديمكدى . حيتمز ديمكدن زياده حياتلرمز ديسهه دها موافق دوشمر . چونكه هيچ بروقت ايكمرك حياتى يكديكريه متمزج اوله مامشدى . كوندوزين مختلف زمانلرده بر اشير ، اكثرياً ساعتلرجه براكده وقت كچيرردك . فقط هر كس

آیری یولدن ویاننده کنه استناد ایتیمکسزین یالکز باشنه کیدردی . اوزون بر سنه بویله دوام ایتدی . اووقته قدر او ، غضب وعصیانیه ؛ بن ، آلام واضطرابآمله اوغراشیردق . وبوهای حیات آردسند ساعتر مدهش بر سرعتله کچر کیدردی . حالبوکه اووقتن صوکرده ایکیمزکده قابنه درین بر سکوت وتعب ککش ، بارفلاکت وغربت بوتون ثقلت الیمسیله چو کیمکه باشلامشدی .

بن کندی نفسی مشغول ایدجک ایشلر بولقده کوجلاک چکمیوردم . بوراده قوجه مان برمالنکانه وار چفتلکک مدیر امورینه عائد وظائفک بر قسمی یاواش یاواش کندی عهدمه آلمشدم . واقعا بونلری تمامیه کندمده کوره بیلیوردم . فقط هم اسکی برامکداردن آیرلامق ، همده بعضی ایشلرمده براز وقت قازانه ییلمک ایچون چفتلکک متباق امورینی مدیره ترک ایتدم . تتبعات تاریخییه باشلادیغی دمین سویله مشدم . بونک ایچون بعض و نائق طوبیلامق لازم ایدی که بونلری نه عائله مزک اوراقی آردسند ، نه ده ایالتمزک کتبخانه لرنده بولمق ممکندی . هم بومشغولیت بنی باشقه صورتله اکلندیر یوردی . چونکه بوتبعات تاریخیه مناسبتیه فرصتدن بالاستفاده باشقه مطالعاتده قویاشدم . برزمانلر ادبیاتله اشتغال ایچون حس ایتش اولدیغیم اوسورکسز آرزولرشمدی . بنه او یانیوردی ؛ طرز معیشتک بنی ایکی اوچ مساکدن محروم ایتش اولدیغی دوشونیور ، شمدی بومساکلری تکرار بولمقه ذوقیاب اولیوردم . ذهنم عالم معنویتک آفاق مجهوله سنی کشف ایدن برنورسیده ادب شوق معصومانه سیله بونلرک آرقه سنده کیجه کوندوز قوشیوردی . معافییه صنعتمدن ، اعتیادات فعالیتکارانه مدن بویله بردنبره آیریلهرق ، هرکونمی ، حتی هر ساعتی بر مقصدک ایفاسنه حصر ایدن بویوک کوچوک اوسالسله وظائفدن محروم قاله رق آرنق هر شیئی کندی نفسله کتابلرمدن بکله مکه مجبور اولدیغیم بوزمانلرده عجزمی ، هیچاکی تمامیه حس ایتش ، کندی نفسمک مسکن وعاجز بر رفیق اولدیغی تمامیه آکلامشدم ! حکمای قدیمه دن بر ذاتک دیدیکی کبی انسان کندی ماهیتی یالکز قالدیغی زمان آکلار وایشته اصل اووقت کندی بکنمز

حیات ایچون مادی برقاعده متظمه قبولنه آلیشمش اولدیغی دوشونه رک
 بورادده حیاتی تنظیم ایده بیله جکمی ظن ایتشدم . انسان ساعات حیاتک
 بوشاغنی اصل بویله قیرلرده یاشادیغی زمان حس ایدر، دها طوغروسی بوراده
 کچن ساعتک محمولیتی بزى صیقار ، اونلر رفتار ساکن ووقوریله آغیر آغیر
 کچرکن او یله برلاقیدی عظیم ایچنده بولنورز که بولنردن مستفید اولمق
 خاطر مزه بیله گلز . عینی رفتار ایله بربرینی تعقیب ایدن بوساعات حیات
 کچدکجه کذرکاھندن حقیف برتوز قالقار . بو ، یابرأسف قابی یاخود برعذاب
 وجدانیدر . ایشته بوتوزی کورنجه آکلارز که بر ساعت دها کچدی.....
 ترک ایتدیکم مساکم حقنده برشی سویله مک ایسته م . بوه سالکده بن پک
 بویوک امللر پرورده ایتکه حقم وارکن بن بو آمالک هپسینی هم هیچ تردد
 ایتکسزین فدا ایتشدم . یاکز ایرلقدن صوکره آکلادم که اونی بن پک چوق
 سویورمشم .

(مابعدی وار)

اسماعیل مشتاق

